

Papiamento ta un instrumento importante pa cultura di Aruba

Minister Lee contento cu Sr. Hennep su contribucion

ORANJESTAD (AAN): Recientemente sr. Herman Hennep a presenta su buki "buscando felicidad" na publico di Aruba. Cu e buki aki sr. Hennep ta un autor mas cu ta publica den nos dushi papiamento y su buki tin potencial di bira un titulo hopi popular cerca amantenan di lesamento. E buki a worde publica cu cooperacion di UNOCA.

Minister di Cultura, Ramon Lee a ricibi sr. Hennep personalmente pa un intercambio placentero riba diferente aspecto y experiencianan di sr. Hennep y publicacion di e

buki. Minister Lee a keda contento cu e buki cu sr. Hennep a entreg'e y mas importante ainda a gradici sr. Hennep di curason pa su contribucion na enrikese nos literatura cu e buki "buscando felicidad".

Papiamento ta un di e instrumentonan mas importante den e plan di maneho di cultura di Minister Lee. Como parti di nos identidad papiamento merece tur sosten y atencion. Pesey Minister Lee ta haci un peticion na un y tur pa lesa e buki di sr. Hennep cu ta obtenible na varios localidad rond Aruba.

